

SANITÉ: Le dotur Eduard Agreiter é demez dai 21 ai 25 de setëmbër y vëgn sostituì dala doturia Grete Mahlnecht 349 06 67 034.

LÎTES DE COMUN

Incò domènia, 20 de setëmbër y indoman lònesc, 21 de setëmbër, él da jí a lité (lites de comun y referendum dl stat). Recordesse da se tò do la cherta da lité.

PLOANIES SAN MARTIN Y LUNGIARÜ

La Uniun di Èi dla Val Badia (Kmb) invièia duc i èi y i jogh en vëndres, ai 25 de setëmbër, dales 19.30, tla dljia de Badia a tò pert ala prozesciun cun linternes y ciandères da San Linert sò Oies.

Ai 26 de setëmbër vëgnel indò tigní le peregrinaje dla jënt ladina, metù a jí dala Uniun Generela di Ladins. La organisaziun sorantolunse en chësta ota nos dla Uniun di Ladins dla Val Badia. L'incuntada é en sabeda, ai 26 de setëmbër, dales 14.30 dan la dljia de San Linert a Badia, la prozesciun pëia ia dales 15.00 y rōia sò Oies por les 16.00, olá ch'al gnará festejé na Mëssa cun le degan siur Iaco Willeit. Al sará da tigní ite les normes anti-covid (destanza o mascherot).

Al vëgn recorde che tambëgn a San Martin co a Lungiarü é le Radio dla Cōra ma da aldí sön UKW o FM y nia sön DAB o radio digital. Sc'i èis n radio digital, spo messëise vigni iade ch'i orëis aldí le Radio dla Cōra baraté sön UKW o FM (San Martin é da aldí sön 90,40 y Lungiarü sön 93,70).

SAN MARTIN

I oresson bel perié chi che ne l'à nia bele fat, da paiè ite le contribut por la cōra de 40,00 euro por vigni porsona che á complì 18 agn (tuc fora studënc) söl cunt dla cōra: IBAN IT 11 J 08010 58830 000304004922. La ploania n'à dër debojëgn, deache en chësc ann él tomé fora por le Covid-19 cotan de ofertes dles domënies y al é rové cotan de spëises nōies lapró.

En la Segra da San Martin, ai 27 de setëmbër, pīta la Uniun dla Musiga da San Martin dales 10.30 ales 20.00 sōla plaza dl paiun spëises da tò cun os. Al vëgn arjigné galüc, pommes frites, tutres, cajincí arestis y fortaies. Prëibel apostede les spëises danfora: la marëna cina les 09.30 y la cëna cina les 16.30, al numer 345 59 20 048.



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

20.09 - 27.09.20 nr. 43

25^a DOMÈNIA IA POR L'ANN - A

Vangele do Matí 20,1-16

Canch'al é gnü da sëra, à le patrun dla vigna dit a so aministradù:
Chërda i oras y paii fora le paiamënt, meton man dal ultimo éina al pröm.
Al gnò chi che é gnüs tué sò dala ònejima ora, y vignun à ciafè n denar.
Canch'al é rové pro i pröms, minà chisc de ciafè deplü. Mo incé chi à mâ ciafè n denar porom. Dailò ài metü man da se lascè sò cuntra le patrun y dijô: Chisc ultimi à mâ laurè òna n'ora, y tò i as tratè anfat sciöche nos; nos deperpo ùn suportè döt le dé le pëis dl laür y le cialt.
Mo le patrun ti à respognü a un de chi: Amì, al ne te vëgn fat degun tort. Ne n'este nia gnü a òna cun mè sön un n denar? Tol tü scioldi y vätun!
Iò indere ô ti dè al ultimo tan co a té. Ne poi nia fà éi ch'i ô cun éi che é mi?
O este invidius, deach'i sun bun cun i atri?

*Cun chësta parabola nes dij Gejù:
Ne sté nia a confronté tūa vita cun
la vita di atri. Deache dailò él prigo
che te survëighes la bunté, che
Chël Bel Dî te desmostra ma a te.
Chilò se tratera dl'importanza
dles parores "a te".*

*Confrunc pó fá pici. Gagn é chi che
ciara ma sön Chël Bel Dî y se instësc
y azeta ci ch'ai á ciafè sciöche na
scincunda ma fata a d'èi.*

*- Ai é pö duc stá a òna canch'al é
gnü sciaccaré fora le paiamënt.-
Ciara sön to paiamënt, spo
conesciaraste la bunté de Dî
ch'al te desmostra ma a te. M.B.*



EDEMA LITURGICA	SAN MARTIN	LUNGIARÜ	 Por gragn y pici: Che l'apostul Matî ê diventé n compagn de Gejù ti savô dessigü a tröc demorvëia, deache Matî ê de mistier n publican. Al stô senté tla staziun olach'al gnô trat ite le daz. Al â le dêrt da ghiré da vigni porsona che passâ dailó la cuta sôn so avëi. Porchël n'ê i publicans nia bëgnodüs dala jënt, la jënt i odô de mal edl y ciarâ da ti jî fora di pisc. Bëgn degügn n'orô i avëi sciöche compagns. Mo Gejù ne ciarâ nia coche les porsones gnô aratades dai atri ê y ci misiter che un â. Al ti ciarâ ala porsona, te so cör y te súa anima. Insciö orô Gejù davagné Matî sciöche compagn. Porchël ê Gejù jü n de dala staziun dl daz y â invié Matî da dé sô so mistier y da ti jî do a d'ël sciöche discepul. Matî s'â lascé invié y é diventé un di dodesc apostui . Mo Matî n'ê nia ma apostul, al é diventé ciamó val' deplü. Al á scrit n vangele, la storia dla vita y dl insegnamënt de Gejù. Vangele ó dí "Buna Noela" ciodí ch'ara nes cunta tan bun che Chël Bel Dî nes ó. Tla Sacra Scritöra cïafunse le vangele do San Matî sciöche le pröm di cater vangeli. Le vangelist Matî vëgn presenté cun n angel. I festejun le santú de San Matî ai 21 de setëmber. <i>La domënia do San Matî èl la segra da San Martin. Y a Al Plan gnôl tigní zacan le marcé de San Matio.</i>
20.09.20 25^a DOMËNIA - ann A	9.00 Corona 9.30 Gran Mëssa por la Comunità y benedisciun dl tēmp en onur dl Spirit Sant + Doro Verginer	7.55 Corona 8.15 Gran Mëssa por la Comunità y benedisciun dl tēmp	
21.09.20 Lönesc <i>Matî ap.y vang., Iona</i>			
22.09.20 Dedolönesc <i>Mauriziu, Ulpia</i>	19.30 Mëssa por vis y def. fam. Pepi y Romi Dejaco + + Karolina Perathoner y Josef Walpoth		
23.09.20 Dedemesaledema <i>Pio da Pietrelcina, Tecla</i>		7.30 Mëssa por les families de Iaco Castlunger por la familia de Albert Dapoz + Gottfried Dapoz	
24.09.20 Jöbia <i>Rupert, Virgile, Gerhard</i>	7.30 Mëssa + Giovanni Flöss + Sepl Flöss d'Arzó Corona por vocaziuns		
25.09.20 Vëndres <i>Niclaus da Flüe, Aurelia</i>	19.00 Adoraziun chîta 19.30 Adoraziun deboriada	7.30 Mëssa + Paula Obojes, Craizer + Vinzenz Clara, postin por les püres animes	
26.09.20 Sabeda <i>Cosma y Damian, eugenia</i>	18.30 Mëssa prefestia por fam. Flöss Pire y Orietta + Giovanni Pescoller	13.00 Noza de Sofia Moling y David Rifesser 20.00 Mëssa prefestia por fam. de Rita Zingerle Clara + + Paul y Fortunato Daporta + + + Franz, Veronica y Giovanni Costa	
27.09.20 26^a DOMËNIA - ann A Domënia di migranc y di profugs	SEGRA DLA DLIJIA DA SAN MARTIN 9.00 Corona 9.30 Gran Mëssa por la Comunità y benedisciun dl tēmp en onú de Sant Antone abat + + + Sciandro, Hannele y Albert Trebo	7.55 Corona 8.15 Gran Mëssa por la Comunità y benedisciun dl tēmp	